

Namminersornerullutik Oqartussat naatsorsuuseriveqarnerat il. il. pillugit Inatsisartut inatsisaat

§ 1. Kingusinnerpaamik Inatsisartut ukiakkut ataatsimiinneranni Landskarsip ukiumut aningaasanut inatsiseqarfiusumut qaangiuttumut naatsorsuutai naalakkersuisunit saqqummiunneqartassapput.

Imm. 2. Landskarsip naatsorsuutaasa iluarsartuunneqarneranni ukiumi pineqartumi aningaasanut aammalu ilassutitut akuersissutitut inatsisit malinneqartassapput kiisalu ukiumi aningaasanut inatsiseqarfimmi qaangiuttumi Landskarsip isertitai aningaasartuutaalu, pigisai akiligassaalu - taakkulu ukiup kaajallakkiartornerani allangorartarneri - tamakkerlugit ilanngunneqartassapput.

§ 2. Namminersornerullutik Oqartussat naatsorsuuseriveqarnerat pillugu malittarisassani pineqarput pisorta qarfiit, sullissiviit, Namminersornerullutik Oqartussat ingerlatsivii, 11. 11. misingersuutiminnik akuersissutitut inatsisini ilangussaqaareersimasut.

Imm. 2. Naalakkersuisut aalajangersinnaavaat naatsorsuuseriveqarneq pillugu malittarisassat aammalu inatsit manna malillugu malittarisassiarineqartut kommuninut, sullissivinnut, peqatigiiffinnut, aningaasaateqarfinnut, 11. 11. makkunatigut ikiorserneqartartunut atuutilissanersut:

1) Landskarsip tapiissuteqarneratigut imaluunniit tunissutitik, akitsuutitik imaluunniit inatsisit malillugit isertitanik allanik iluaquserneqarnermikkut aningaasartuutiminnik imaluunniit naatsorsuutiminni amigartoorutiminnik matusisartunut, imaluunniit

2) Landskarsimit imaluunniit sullissivimmit il. il. iluaqusiissutitik nr. 1-imi pineqartunik aammalu aallartissutissaminnik aningaasaliiffigineqarsimasunut, tapiissuteqartigineqarsimasunut, taarsigassarsitinneqarsimasunut, qularnaveeqquserneqarsimasunut - aallartissutissasut aningaasaliissutit, il. 11. aningaasaliiffigineqartumut annertuumik pingaaruteqarsimassappata.

Imm. 3. Taamaattorli imm. 2 atuutitinneqartassanngilaq naatsorsuuseriveqarneq pillugu inatsisini allani malittarisassioraqarsimappat inatsimmut matumunnga imaluunniit malittarisassanut inatsit manna malillugu aalajangersarneqartunut taputartuunneqarsinnaanngitsunik.

§ 3. Namminersornerullutik Oqartussat naatsorsuuseriveqarnerat pillugu malittarisassat naalakkersuisunit aalajangersarneqartassapput. Malittarisassat aalajangersarneqarneranni naatsorsuuserisarnernup toqqissisimasumik torersumillu ingerlanneqartarnissaata siunertarinerata saniatigut paasissusissanik aningaasaqarnerup pilersaarusiorneqartarnerani, aqunneqarnerani nakkutigineqarneranilu atugassanik pissarsisarnissamut periarfissiinissaq naalakkersuisunit siunertarisinnaavoq.

§ 4. Pisorta qarfiit, sullissiviit Namminersornerullutik Oqartussat suliffeqarfutaasa, 11. 11. imm. 2-mi pineqartut paasissutissat naatsorsuuserinermilu atortussat naalakkersuisut Landskarsip naatsorsuutaanik saqqummiussinissaminnut atugassaat naalakkersuisunut nalunaarutigisassavaat.

§ 5. Landskarsip ukiumoortumik naatsorsuutai § 2 naapertorlugu kukkunersiorneqartassapput kukkunersiuisumit naalagaaffimmit akuerisamit Inatsisartunit taamatut atorfinitsinneqartumit.

Imm. 2. Kukkunersiueri naatsorsuutit eqqornerisut misilinneqartassaaq, taamatullu aamma naatsorsuusiornermi qanoq iliuitsit akuersissutinut nalunaarutigineqarsimasunut, inatsisinut peqqussutinullu allanut kiisalu isumaqatigiissutaasimasunut nalinginnaasumillu suleriaatsinut naapertuuttuunersut.

§ 6. Kukkunersiuisup Landskarsip naatsorsuutai kukkunersiussavai kukkunersiueriaatsit nalinginnaasumik akuerineqarsimasut naapertorlugit, tassungalu ilanngullugu Landskarsip naatsorsuutaanut tunngatillugu atortut pissusissamisoornersut misissuataassallugit.

Imm. 2. Kukkunersiueq pillugu Inatsisartunit: piumasarineqartut kukkunersiuisup malitassarai, taakku inatsisinut kukkunersiueriaatsinulluunniit nalinginnaasumik akuerisaasunut akertuunngippata.

§ 7. Naalakkersuisut pisussaapput paasisutissat suulluunniit naatsorsuutit nalilerneqarnissaannut pisariaqartut kukkunersiuisunut nalunaarutigissallugit.

§ 8. Ukiumut aningaasanut inatsiseqarfimmut 1995-imut atuutilissalluni inatsit 1. januar 1995-imi atuutilissaaq.

Imm. 2. Kalaallit Nunaata Landskarsiata aningaaseriveqarnera naatsorsuuseriveqarneralu pillugit landsrådip ileqqoreqqusaa decemberip 19-anni 1974-imeersoq atorunnaarsinneqarpoq.

Namminersornerullutik Oqartussat, ulloq 3. november 1994.

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

